



去坐熱氣球

臺東鹿野高臺個臺灣熱氣球嘉年華會，辦在熱燻燻個暑假，還係錫來當多比烈烈日頭還較熱情個人。今年暑假，偕同屋家人決定也來去增見識、鬥鬧熱。

吾等趕到鹿野高臺，愛看臨暗場個熱氣球嘉年華，主持人紹介熱氣球個特性，講佢驚雨、驚日頭烈、也驚風大。堵好臨暗邊風速超過熱氣球使得承受個強度，現場個飛行指揮官宣布，為著安全，這場熱氣球嘉年華愛取消。吾等當失望，恁遠個路頭來到這，嘎無緣看著熱氣球，大家參詳過後，決定先尋所在歇，第二日打早過上高臺來賭運氣。老妹上網查打早場個時間，還注文著使得坐熱氣球升空「繫留」個票，大家對第二日愛過去探熱氣球，做下十分期待。

天官光雞官啼，4點吾等準時上車出發，烏烏個天清清清，月光黃黃像天公個微笑，金星在厥個下向，像一粒光光個杓豺痣，滿天星斗表示天時真好，大家心情也當好，期待今晡使得圓夢。

佬著吾等真早咧，無想著鹿野高臺臂項，車既經停去淦淦淦，真無簡單吾等正尋著車位，半行半走來到會場，看著歸個細山排，人坐去撈撈撈，來參加個人都當知總，在網路項做好功課，知得麼個時間、在鹿野高臺個麼個方位，使得有盡好個向勢、盡好個角度，使得看著盡多、盡完整個熱氣球。會場肚音樂響起，主持人同大家打招呼，過恭喜吾等今晡朝臂風較恬，當堵好分熱氣球升空，吾等聽著歡喜都跳起來。

會場肚個熱氣球一粒一粒展開在草坪項，過一下，冷風灌撇換燒風，哼、哼、哼一粒一粒各色各樣個熱氣球在草坪面企在在，逐儕相機翕無停。服務人員帶吾等去坐熱氣球，講係坐，其實係企在熱氣球下个籃肚，一到五個人，工作人員揪核大索，固定熱氣球，一個人到籃肚，上一批還在籃肚個人正使得出來，恁泥重量毋會爭差忒多，正毋會危險。熱氣球慢慢升空咧，籃肚除了吾屋家人以外還有一個操作熱氣球個飛行員，頭那頂同空氣加熱個火轟轟滾，熱氣緊逼落來，雖然知佢當安全，還係會驚昇爇著。熱氣球升到60公尺個高度斯頓恬咧，分吾等在半空中看風景，堵好，正必目個日頭定定對山個後背箭出柑黃色個光來，慢慢同歸個鹿野高臺染做金黃色，該兜企在草坪面隨風輕輕搖個熱氣球，在金色個日頭加持之下，變都過較靚咧。

日頭越來越猛，打早場個熱氣球嘉年華會也愛散場咧。當歡喜有恁泥個機會，使得體驗坐熱氣球升空，用無共款個角度來看光景，到今，吾心肝肚還係淦淦個感動呢！

作者：徐姿華

☆詞彙學習☆

【知總】di+ ziungˆ：深知、透澈瞭解。

【企在在】ki+ caiˋ caiˋ：站穩穩。

【繫留】gie+ liuˊ：以繩子固定熱氣球定點升降的體驗。